

Ս. Ա. Աղամյան

## ՎԱՎԵՐԱԳՐԵՐ 1812 թ. ՀԱՅՐԵՆԱԿԱՆ ՊԱՏԵՐԱԶՄԻ ՄԱՍԻՆ

Հայկական ՍՍՌ Մինիստրների սովետին առընթեր Մեսրոպ Մաշտոցի անվան հին ձեռագրերի գիտահետազոտական ինստիտուտի (Մատենադարանի) արխիվային ֆոնդերում կան բազմաթիվ վավերագրեր 1812 թ. Հայրենական պատերազմի վերաբերյալ: Դրանց մեծ մասը պաշտոնական գրությունների ընդօրինակություններ են, որոնցից մի քանիսը վերջերս տպագրվել են<sup>1</sup>: Սակայն Մատենադարանի արխիվային ֆոնդերում կան ֆրանսերեն, հայերեն և ռուսերեն մի շարք վավերագրեր, որոնք մինչև այժմ մեր ուսումնասիրողների ուշադրությանը չեն արժանացել, թեև դրանք արժեքավոր տեղեկություններ են պարունակում 1812 թ. Հայրենական պատերազմի մասին:

Հիշյալ վավերագրերի դալի մասը Հովակիմ Լազարյանի որդիներից մեկի՝ Հարություն (Արտեմ) Լազարյանի ռազմաճակատից իր եղբորը՝ Խաչատուր (Քրիստաֆոր) Լազարյանին 1812 թ. մարտի 5-ից մինչև 1813 թ. սեպտեմբերի 20-ը ֆրանսերեն<sup>2</sup>, մասամբ նաև ռուսերեն լեզուներով գրած նամակներն են<sup>3</sup>: Դրանք արժեքավոր են այն տեսակետից, որ գրված են պատերազմին մասնակցող, ակնհատես անձնավորության կողմից:

Հարություն Լազարյանը եղել է ռուսական հուսարական գնդի շտաբս-ռոտմետրը և գործոն մասնակցություն է ունեցել ռազմական գործողություններին ու պարզևատրվել մի քանի շքանշաններով: Նա ռազմաճակատից անընդմեջ նամակներ է գրել եղբորը և կարևոր տեղեկություններ հաղորդել պատերազմական իրադարձությունների մասին: Նամակները ընդհատվել են 1813 թ. սեպտեմբերի 20-ից հետո: Հ. Լազարյանը սպանվել է 1813 թ. հոկտեմբերի 16-ին Լալպցիգի արյունահեղ ճակատամարտում:

1 Հայկական ՍՍՌ Մինիստրների սովետին առընթեր Մեսրոպ Մաշտոցի անվան Մատենադարանի Լազարյանների արխիվային ֆոնդում 1807 թ. ռուս-ֆրանսիական և 1812 թ. Հայրենական պատերազմների վերաբերյալ ռուսերեն լեզվով բազմաթիվ պայմանագրերի, հրամանների, կոչերի և այլ պաշտոնական դրությունների ընդօրինակություններ կան: Մատենադարանի կաթողիկոսական դիվանի արխիվում պահպանվում է Դանիել կաթողիկոսի նապոլեոնին ուղղած 1808 թ. մի կոնդակը և նապոլեոնի՝ ոմն Մր. Պիեր Շարոնին պատվո լեգեոնի ասպետի կոչում տալու մասին մագաղաթի վրա ֆրանսերեն լեզվով գրած հրովարտակը, որն անձամբ ստորագրել է նապոլեոնը և կցել զմուռն կնիքը: 1812 թ. Հայրենական պատերազմի վերաբերյալ կաթողիկոսական դիվանի արխիվային ֆոնդում պահվում է նաև 4 վավերագիր (թղթ. 24, վավ. 8, 10, 18 և 22), որոնք պրոֆ. Մ. Ներսիսյանը հրատարակել է ՀՍՍՌ ԳԱ «Տեղեկագրի» 1944 թ. 3—4 միացյալ համարում:

2 Հ. Լազարյանի ֆրանսերեն նամակները թարգմանել է Լևոն Մարտիրոսյանը:

3 Մարգո Մխիթարյանը «Բանբեր Մատենադարանի» № 5, 1960 թ. հանդեսի մեջ հրատարակած իր «Մատենադարանի Լազարյանների արխիվը» հոդվածում ընդհանուր գծերով նշել է հիշյալ արխիվում եղած վավերագրերի բնույթի և Լազարյանների գործունեության մասին, որտեղ հիշել է նաև 1812 թ. Հայրենական պատերազմին մասնակցած Հարություն Լազարյանի նամակների ընդհանուր բնույթի մասին:

Մատենադարանի արխիվում գտնվող Հարություն Լազարյանի առաջին նամակը գրված է 1812 թ. մարտի 5-ին Լուգայից: Նա այդ նամակում իր եղբորը նաշատուրին գրում է. «...Մենք հասանք Լուգա, որը ավելի շուտ նման է մի գյուղի: Ես նամակ գրեցի ծնողներինս, արդյոք այն դուր կգա՞ հորս, թե ոչ: Խոստովանում եմ, որ լավ շեմ շարագրել այն, բայց ինչ կարող է անել հոգնած ըլինվորը: Ձեզ ուղարկում եմ մեր մարշրուտը, որի միջոցով դուք հնարավորություն կունենաք իմանալ, թե որտեղ և ուր ուղղել նամակները»<sup>4</sup>:

Նապոլեոնի հարձակման վտանգը նկատի ունենալով ռուսական զորամասերը շարունակ շարժման մեջ են գտնվել: Այդ մասին Հարություն Լազարյանը 1812 թ. ապրիլի 20-ին եղբորը գրած նամակում հաղորդում է. «Մեր գունդը Վիլնոյից 120 վերստ հեռավորության վրա Եղած լեհական ալքատ մի վայրում է գտնվում, որտեղ ես խիստ ձանձրանում եմ: Հաճախ գնում եմ լեհական եկեղեցի աղոթելու: Արդեն հասկանում եմ լեհերենը...: Գվարդիան գտնվում է Վիլնոյի շրջակայքում, իսկ կայսրը՝ Վիլնոյում...»:

Նույն նամակի թերթիկի վրա նա առանձին դիմել է իր ընկերոջը, որի հետ հավանական է, սովորել է ռազմական դպրոցում. «Сердечно желаю, чтобы ты был в числе 12 человек и отличался бы в науках и сделался славным русским офицером...»<sup>5</sup>.

1812 թ. մայիսի 26-ին եղբորը ուղղած մի այլ նամակում նա գրում է. «...Հետևակ գվարդիան պետք է գնա Վիլնոյի մոտերքը, որտեղ տեղի է ունենալու մանևր կայսրի ներկայությամբ... Մեր գնդի մասին ասում են, որ շուտով պետք է տեղափոխվի թե որ կողմը, ոչ ոք չգիտե...»<sup>6</sup>:

Ցարական կառավարությունը, ինչպես ասացինք, տեղյալ լինելով նապոլեոնի Ռուսաստանի վրա հարձակվելու ուղղությունների պլանի հետ, Վիլնոյի շրջակայքում շատ զորքեր է կենտրոնացրել:

Հարությունը այդ մասին 1812 թ. հունիսի 8-ին եղբորը գրում է. «Ահա մենք ավելի ենք մոտեցել Վիլնոյին, որից 65 վերստ հեռավորության վրա ենք գտնվում: Ամբողջ բանակը համարյա Վիլնոյի շրջանումն է: Мы теперь стали в местечке Шишоях и ежедневно ожидаем дальнейшего похода. Өз нө ոչինչ չգիտե, սակայն բանակը շարունակում է առաջ շարժվել: Вся гвардейская пехотная дивизия в Вязьме, и там бывают очень часто маневры, государь всегда тут бывает... Спешу отдельно написать Петру Абамелику, который едет в город Вильнюс...»<sup>7</sup>.

Ռուսական հրամանատարությունը մեծ ուժեր է կենտրոնացնում նաև Դրեսսա քաղաքի մոտ, որտեղ եղել են նաև Ալեքսանդր կայսրը և Արակչևը: Նրանք սպասել են ռուս մեծ զորավար Բագրատիոնին և նրա բանակին, որ ուխտի դար ու միանար տեղում Եղած ռուսական բանակին: Այդ մասին 1812 թ. հունիսի 29-ին եղբորը ուղղած նամակում Հարությունը գրում է. «Շտապում եմ օգտվել առիթից գրել ձեզ, որ ամբողջ զորքը հավաքվել է Դրեսսա քաղաքի մոտ: Կայսրը նույնպես այստեղ է և տեղավորվել է փոքրիկ մի տնակում: Ամեն ինչ հանձնված է Արակչևին, որը համարյա հրամայում է ողջ բանակին»:

<sup>4</sup> Մատենադարան, Լազարյանների արխիվ. թղթ. 102, դ. 17, վավ. 55:

<sup>5</sup> Նույն տեղում, վավ. 59:

<sup>6</sup> Նույն տեղում, վավ. 57:

<sup>7</sup> Նույն տեղում, վավ. 58:

Նամակի շարունակության մեջ ուսերեն ավելացնում է. *Здесь всего войска 125 тысяч, и в скором времени князь Багратион соединится, у которого тоже страшная армия, и увидимся с любимым братцом Давыдом Артемовичом. Наш полк был под Вилкомиром и прикрывал артиллерию. В это день я был ординарцем у Уварова и слышал визг ядер и пуль»*<sup>8</sup>.

Ներքո՝ հաշատուրին 1812 թ. սեպտեմբերի 7-ին գրած նամակից պարզվում է, որ նա առաջին անգամ մասնակցել է Նապոլեոնի գեմ վարած մեկ ճակատամարտին, ապա զորքի հետ անցել Մոսկվայով, հետաքրքրվել իրենց տան գործերով, տեսակցել իր փեսա Դելյանովի հետ: Նամակից պարզվում է նաև, որ Նապոլեոնի հարձակման պատճառով «մի քանի իշխաններ» հեռացել են Պետերբուրգից «որպեսզի ավելի ապահով լինեն»<sup>9</sup>: Երբ ուսական բանակը հակահարձակման է անցնում, ետ դրավում Մոսկվան և այլ քաղաքներ, կրնկոխ հետապնդում թշնամուն, Հարություն Լազարյանը անհապաղ այդ մասին հայտնում է հարազատներին. «Շտապում եմ Ձեզ հաղորդել ուրախալի մի լուր: Ամսույս 6-ին թշնամին ջախջախվելով՝ մեծ թվով մարդկային զոհեր ու դերիներ տվեց, կորցրեց 31 թնդանոթ և սկսեց նահանջել: Այդ օրվանից մենք նրան հետապնդում ենք: Նրա նահանջը փոխվեց փախուստի և ընդամենը 5 օրվա ընթացքում նա կորցրեց ավելի քան 80 թնդանոթ, 4 դրոշակ և բազմաթիվ գերիներ տվեց»: Նույն հոկտեմբերի 23-ի նամակի շարունակության մեջ եղբորը տեղեկացնում է, որ «Наши войска заняли уже Москву, Можайск, Гжацк и Вязьму и скоро будем в Смоленске, они так сильно ретируются, что наша армия не может его догнать и ежедневно почти берут у него пушки. Ты не можешь вообразить, сколько французов перебито нашими мужиками, теперь мы идем по их следам, и во всякой почти деревне лежат французские тела. У них вся кавалерия уничтожена, и ежедневно берут пленных, и у нас теперь считают пленных более 40 тысяч, кроме тех, которых перебили мужики... У нас кавалерия прибавляется, пожалуй, одних казаков пришло более 25-ти тысяч, а французы казаков, как огня, боятся...»<sup>10</sup>.

Նամակի վերջում նա խոսք է տալիս, որ հայերեն նամակ կգրի:

Դարձյալ անդրադառնալով ուսական զորքի հաջողություններին, նա նոյեմբերի 29-ի նամակում գրում է. «...Ձեզ ասեմ, սիրելի եղբայր, որ թըշնամին փախուստի է մատնվել: Ձեք կարող երևակայել թե ինչ քանակությամբ թնդանոթ և իրեր է թողնում: Ներկայումս 500-ից ավելի գրաված թնդանոթ ունենք, գրավել ենք փողով ու ոսկե դրամներով լիքը տակառներ: Դեռ նախանցյալ օրը 20000 զինվոր և 5 դեներալ գերեցինք: Այժմ մեր բոլոր բանակները միացել են իրար հետ և կարծում եմ, որ թշնամու ամբողջ բանակը կկործանվի: Ամբողջ գվարդիան այժմ պատրաստվել է ձմեռելու: Մեր գունդը դառնվում է Շկլովում, իսկ բանակը անդուլ կերպով հետապնդում է թշնամուն»<sup>11</sup>:

Ֆրանսիական զորքերին հետապնդելու ժամանակ ուսական կողակների

<sup>8</sup> Նույն տեղում, վավ. 56:

<sup>9</sup> Նույն տեղում, վավ. 52:

<sup>10</sup> Նույն տեղում, վավ. 43:

<sup>11</sup> Նույն տեղում, վավ. 46:

ուժեղ հարձակումների շնորհիվ Նապոլեոնը դժվար կացության մեջ է ընկնում: Լուրեր են տարածվում այն մասին, որ Նապոլեոնը գերի է ընկել:

2. Լազարյանը այդ մասին 1812 թ. դեկտեմբերի 15-ին գրում է. «...Սիրելի եղբայր, եթե Նապոլեոնի գերվելը Պետերբուրգում հայտնի չէ, խնդրեմ ոչինչ չասել այդ մասին: Այդ լուրը մեզ այնքան ուրախացրեց, որ ես նույնիսկ հորս շնորհավորեցի...»<sup>12</sup>:

Նապոլեոնի Ռուսաստանում կրած պարտությունից հետո իր նախկին վասալները՝ Գերմանիան և Ավստրիան միանում են Ռուսաստանին: Անգլիական զորքերը, լորդ Վելլինգտոնի գլխավորությամբ, 1813 թ. Վիտտորիի մոտ լուրջ հարվածներ են հասցնում ֆրանսիական բանակին. «...Ձեզ հայտնի է, — գրում եմ 1813 թ. հուլիսի 20-ի նամակում, — որ ֆրանսիացիները մեծ պարտություն կրեցին գեներալ Վելլինգտոնի կողմից, որը գրավեց ֆրանսիացիների ամբողջ հրետանին» և այնուհետև շարունակում. «Մեր բանակը օրրստօր է մեծանում է: Մեր հեծելազորը հրաշալի է: Երեկ կայսրը և պրուսական թագավորը մեր հեծելազորի ստուգատես կատարեցին, որտեղ գտնվում էր նաև մեր գունդը: Վարժություններ կատարեցինք և կայսրը շատ գոհ մնաց: Իշխան Դավիթ Աբամելիքը պարգևատրվել է սուրբ Աննայի ադամանդյա խաչով և Վլադիմիրի 3-րդ կարգի խաչով, իսկ ես պարգևատրվեցի Վլադիմիրի 4-րդ կարգի և ս. Աննայի սրով: Հույս ունեմ նորից պարգևատրվել երկու դեպքերի համար ևս»<sup>13</sup>:

Խոսելով հետագայում տեղի ունեցած ճակատամարտերից մեկի մասին, 2. Լազարյանը հիշատակում է, որ «ոչնչացրինք 45 հազար մարդուց բաղկացած կորպուս»<sup>14</sup>: Իսկ անդրադառնալով Կուլմայի մոտ տեղի ունեցած նշանավոր ճակատամարտին 1813 թ. սեպտեմբերի 12-ի նամակում գրում է. «...Ռուսական զվարդիան փառքով պսակվեց»<sup>15</sup>: Մի շաբաթ հետո նույն ոգևորությամբ նա պատմում է. «Մենք այժմ գտնվում ենք Ավստրիայում, Տոպլեցից մեկ մղոն հեռավորության վրա: Երեկ մենք մեծ ճակատամարտի բռնվեցինք, միայն մեր գունդը վերցրեց 20 թնդանոթ, ֆրանսիացիները փախան, թողնելով 5000 գերի: Գերի վերցրեցինք նաև գեներալ-լեյտենանտ կոմս Վանդանին և երկու այլ գեներալների, նաև մեծ թվով սպաներ, ընդամենը գրավեցինք 60 թնդանոթ...»<sup>16</sup>:

1813 թ. սեպտեմբերի 20-ից պարզվում է, որ Կուլմայի ճակատամարտին հերոսական մասնակցություն են ունեցել նաև Դ. Դելյանովը և գեղապետ Դ. Աբամելիքի կրտսեր որդի Ալեքսան Աբամելիքը, որոնք արժանացել են բարձր պարգևների: Օգտվելով առիթից, նամակներից մեկում նշում է 2. Լազարյանը, «գրում եմ ձեզ այս քանի տողն այն մասին, որ իմ փեսա Դելյանովը ստացավ գեներալ-մայորի աստիճան, իսկ ես Կուլմայի ճակատամարտի համար ստացա սուրբ Աննայի երկրորդ կարգի վզի խաչ և սուրբ Վլադիմիրի խաչ: Իշխան Ալեքսան Աբամելիքը ստացավ սուրբ Վլադիմիրի շորթորդ կարգի խաչ...»<sup>17</sup>:

<sup>12</sup> Նույն տեղում, վավ. 47:

<sup>13</sup> Նույն տեղում, վավ. 63:

<sup>14</sup> Նույն տեղում, վավ. 68:

<sup>15</sup> Նույն տեղում, վավ. 67:

<sup>16</sup> Նույն տեղում, վավ. 66:

<sup>17</sup> Նույն տեղում, վավ. 65:

Հարուժյուն Հազարյանը մասնակցել է նաև Հայպիզի նշանավոր ճակատամարտին, որը տեղի է ունեցել 1813 թվի հոկտեմբերի 16-ին (նոր տոմարով):

Այդտեղ էլ 22 տարեկան հասակում, թշնամու արկից նա զոհվում է: Քաջարի զինվորականի մարմինը փոխադրում են Պետերբուրգ և հանդիսավորությամբ թաղում հայկական գերեզմանատանը:

Բացի Հարուժյուն Հազարյանի նամակներից, Մատենադարանի արխիվային ֆոնդերում գտնվում են 1812 թ. Հայրենական պատերազմի վերաբերյալ նաև ուրիշ վավերագրեր, որոնք նույնպես արժեքավոր տեղեկություններ են պարունակում: Ինչպես հայտնի է, Նապոլեոնի արշավանքի ժամանակ Արևելյան Հայաստանը գտնվում էր պարսկական ծանր լծի տակ, հայ ժողովուրդը ամեն կերպ ձգտում էր միանալ Ռուսաստանին: Նապոլեոնի արշավանքը Ռուսաստան գայրույթ պատճառեց նաև հայ ժողովրդին:

Այդ տեսակետից ուշագրավ է 1813 թ. հունվարի 26-ին Թիֆլիսից էջմիածին՝ Ներսես վարդապետին ուղղած ծածկագիր նամակը, որտեղ խոսվում է Նապոլեոնի Ռուսաստանից փախուստի, իր հետ տարած կողոպուտի, նրա կողմից նոր պատերազմ նախասյատրաստելու, ապա Անդրկովկասում ուսույարսկական պատերազմի և ուսական բանակի հաղթությունների մասին: «Նոր լուր այս է,— գրում է այդ ծածկագրի հեղինակ Նահապետ Արշակյանը,— Պոնապարթն Բ. Ճ. Ռ. (200000) զօրօք անցկացաւ գնաց իւր հօղն. հաստաոն այս է զօր գրեմ, եթէ այլք ինչ ասի», գրեն կամ ասեն, ունայն է, կամ քաղետի գրութիւն, և տեղիս մայնսլնի կատարելն այլ իմն բան է, որպէս պիտեք և այլն:

Մոսկովիցն Բ. Ճ. (200) արապա ոսկի և արծաթ տարիլ է հետն և երևում է պարունն մեծ կոխ պիտի լինի ևս: Այս գիրս գրած օրս Կատլերևսկիեն գիր եկավ շահգատեի հետ կոխվ արիլ ին և շահգատեի բոլոր բանակն առիլ ին, այս հախտութիւն առաջվանցն շորս հատ ավել է լեալ: Նախիջևանու գիր առի անգոհանակութիւն գրեն Օհանէս առաջնորդիցն և Գրիգոր վարդապետին կամին օծել և Կատլերևսկուն ոտքն կոտրել է կուումն: Այստեղից մին լավ դոկտուր պիտի ուղարկեն սոյն ամսուս ԲՕ-ին (25) այլ ևս զօրք ղրկելուց են նոր Հանքարան էլ առիլ ին: Տալիշ էլ, Ֆարշ էլ...<sup>18</sup>:

1815 թ. Նապոլեոնին արքայութեամբ են Սուրբ Հեղինեի կղզին: Նրա արքայութեամբ լուրը ուրախություն է պատճառում աշխարհի բոլոր խաղաղասեր ժողովուրդներին, որոնց թվում նաև հայ ժողովրդին: Այդ տեսակետից արժեքավոր է 1815 թ. սեպտեմբերի 29-ին Թիֆլիսից Եփրեմ կաթողիկոսին ուղղված ներսես Աշտարակեցու նամակը, որտեղ որպես ուրախալի լուր, հաղորդում է Նապոլեոնի արքայութեամբ: Ապա նա հայտնում է, որ ուսական կայսրը շուտով լինելու է Պետերբուրգում, խաղաղությունը պահպանելու համար 350 հազար ռուսական և դաշնակից զորքեր թողնվել են Ֆրանսիայում: Այդ մասին նա գրում է. «...Ջրոնապարտն առաքեալ են ի ծայրս Աֆրիկայի ի կղզին Սուրբ Կատարինէի կամ սուրբ Ելէնէի ասացեալ, զի ձգնեսցի անդէն: Վասն կայսեր ասեն յինիլ ի Սանկտ Պետերբուրգ ամսեանն հոկտեմբերի, միայն 350 հազար զօրք Ռուսաց և բարեկամ տերութեանց ունեն մնալ ի Ֆրանսիայ երկար ժամա-

<sup>18</sup> Մատենադարան, արխիվային բաժին, Կաթ. դիվան, թղթ. № 24, վավ. № 193:

նակաւ մինչև արմատացի խաղաղութիւն ի նոսա, որում դժուարաւ հետեին ֆրանցիացիք մինչև ցայսօր ժամանակի ևս»<sup>19</sup>:

1812 թ. Հայրենական պատերազմի ժամանակ ուսական կառավարութիւնը, ուսական բանակին ակտիվ օժանդակութիւն ցույց տալու համար, շատ քաղաքացիների պարգևատրում է շքանշաններով և այլ պարգևներով: Պարգևատրվածների մեջ էին նաև Եփրեմ կաթողիկոսը, Ներսես, Հովհաննես և Գրիգոր արքեպիսկոպոսները և մի շարք քահանաներ ու աշխարհականներ: Ուշագրավ է մանավանդ Կախեթի նաշմեան գյուղի քահանա Գևորգ Տեր Մեհրաբյանին Հայրենական պատերազմի շքանշանով պարգևատրելու առթիվ 1820 թ. փետրվարի 23-ին Ներսես արքեպիսկոպոսի գրութիւնը, ուր ասված է.

«Յետ յաջողակի օժանդակութեամբ բարձրելոյն աւարտելոյ զպատերազմն ընդ ֆրանկսուզաց, հաճոյ եղև նորին կայսերականի մեծութեան արմենայն ողորմած թագաւորի մերում: Ի մէջ բազում ողորմութեանց շնորհելոց առ հասարակ արմենայն հաւատարիմ հպատակաց իւրոց, յատկացուցանել և զհոգեվորակսնս առանձնակի նշանաւ դերարքայական բարեհաճութեան և երախտագիտութեան իւրոյ, որ բացահայտեալն է ի հրովարտակի գրեցելոյ ի 30 օգոստոսի 1814 ամի հետեալ բանիւք:

Սրբազան դասք հոգևորականաց մերոց որք վերակարգացեալ են առաջի սեղանոյ Ամենաբարձրելոյ ջերմեռանդ մաղթանօք իւրեանց զօրհնութիւն Աստուծոյ ի վերայ զինուց և զինուորութեան արմենայն Ռուսաց և յարացուցի բարեպաշտութեան խրախուսեալ են դժողովուրդն առ միաշնչութիւն և հաւատարմութիւն ի նշան ջերմեռանգութեան առ հաւատն և սիրոյ առ հայրենիս՝ կրկնցն ի վերայ կրժ(ք)ոց իւրեանց սկսեալ ի ծայրագոյն հովուէ մինչև ցղասս քահանայից զկարգադրեալն յատկապէս վասն այսորիկ զխաշն վերտառութեամբ 1812 ամի:

Արդ՝ խաշքս այսորիկ ժամանեալք են յաղագս զարդարելոյ նօքօք զհոգեվորականս՝ ըստ որոյ և առաքեմ ընդ այսմ զմի ի յայսց խաշից առ ձեզ վասն կրելոյ ի վերայ կրժ(ք)ոց վլադիմիրի Լէնտիւ համաձայն բարձրագոյն հրովարտակի 30 Ոգոստոսի 1814 ամի և ըստ յատկական բարձրագոյն հրամանի յայտնեցելոյ ի ձեռն տեառն Նախարարին հոգևոր շորժոց և ժողովրդական լուսատրութեանց»<sup>20</sup>:

А. А. АДАМЯН

## ДОКУМЕНТЫ ОБ ОТЕЧЕСТВЕННОЙ ВОЙНЕ 1812 г.

### Р е з ю м е

В архивных фондах Института древних рукописей им. Маштоца — Матенадарана при Совете Министров Армянской ССР имеется ряд документов, содержащих ценные сведения об Отечественной войне 1812 г.

<sup>19</sup> Մատենադարան, Ներսես Աշտարակեցու արխիվ, Թղթ. № 164բ, վավ. № 990:

<sup>20</sup> Մատենադարան, արխիվային բաժին, Կաթ. դիվան, Թղթ. № 258, վավ. № 118:

Большинство этих документов связано с деятельностью одного из членов известной семьи Лазаревых — Арутюна (Артема) Лазарева. Это фронтовые письма, написанные в 1812—1813 гг. Они написаны на французском и частью русском языках и адресованы его брату Хачатуру (Христофору) Лазареву. Письма содержат интересные сведения о сражениях, в которых принимал участие сам Арутюн Лазарев.

Арутюч Лазарев являлся штабс-ротмистром гусарского полка и за проявленную доблесть несколько раз был награжден орденами. Он был убит под Лейпцигом 16 октября 1813 г.

Вместе с письмами Арутюна Лазарева мы публикуем также письмо Нерсеса Аштаракского и Наапета Аршакяна, которое содержит ценные сведения о бегстве Наполеона из России, о его аресте и ссылке и о награждении ряда армян, оказавших материальную и моральную помощь русской армии в период Отечественной войны.